



SYNOD 2023

Tlangau

BIAK INPUI, MISSION VENG
DECEMBER 5-10, 2023



ISSUE NO. 2

DECEMBER 8, 2023 - ZIRTAWPNI

PHKEK 1-NA

Synod rorel tluang taka neih mek a ni

Synod Inkhawmpui vawwi 100-na neih mekah December 6, Nilainia rorel tan a nih hnuah, vawwiin November 8, Zirtawpni hi rorel ni thumna a ni. Inkhawmpui ah hian Nilaini zan thleng khan palai 2,026 an thleng tawh a, chu'ng zinga mi 1,155 chu Mission Veng Bial chhunga riak lut an ni.

Nilainia Synod rorel tan hmain Moderator kal chhuak Rev. Dr. C. Chawngghmingliana'n Rev. R. Vanlalinghaka hnenah Moderator mawh-phurhna a hlan a, Moderator thar kaihhruaiin rorel a ni. Synod Nomination leh Pastoral atanga thu lutte ngaihtuah a nih hnuah, Generalagenda-te ngaihtuah leh a ni. General agenda hi Nilaini khan 6-na thleng ngaihtuah a ni a, Ningani khan chawhma lamah 13-na thleng ngaihtuah hman a ni.

Rorel tan ni - Nilaini khan kum 2024 Synod-a Moderator turin Revival Director ni mek Rev. R.C. Lalngihakliana thlan a ni. Pastoral Committee-in Pastor nemngheh tura a rawt mi 18-te leh Probationary Pastor atana lak thar mi 18-te chu inkhawmpui hian a pawm a, Pathianniah nemngheh/dahngheh an ni ang.

Pastor/Minister awmna ngaia kum nga emaw, term khat emaw awm tawh an awmna ngaia awm zui zel tura tih mi 21 an awm a, awmna hmuna hun hmang zo tawh hmun danga awm tura tih 62, awmna siam rem 24, zirna chhunzawma zir zo tur awmna tur siam mi pali an awm bawk.



Kum 2027-a Synod inkhawmpui chu Ramhlun North Kohhran Biak In nghah tura rel a ni a; kum hmasa lama Synod rorelin kum 2026 thlenga Synod nghahna tur an ruat tawh a, chungte chu - kum 2024-ah Mission Vengthlang Biak In, kum 2025-ah Zarkawt Biak In leh kum 2026-ah Chanmari Biak Inte a ni.

2024 SYNOD PUIPA TURTE

Moderator	: Rev. R.C. Lalngihakliana
Secretary (Sr)	: Rev. P.B. Mankima
Secretary (Jr)	: Upa Vanlalsawma Siakeng
Finance Officer	: 1. Rev. V.L. Luaia Hranleh 2. Rev. P.C. Pachhunga
Statistician	: Rev. H. Lalthananga
Executive Secy	: 1. Rev. C. Zoramawia (Sr) 2. Rev. Dr. K. Lallawmzuala

Minister sùn tur



Rev. F. Lalrinawma Rev. C. Vanlalringa

Synod Inkhawmpui 2022 leh 2023 inkara thi pastor/ minister sùn tur pahni an awm a, Pathianni chawhnu inkhawmah sùna hun hman a ni ang. Sùn turte chu - Rev. F. Lalrinawma leh Rev. C. Vanlalringa te an ni.

Rev. F. Lalrinawma, kum 55 hi Champhai Bethel Bial a enkawl laiin January 3, 2023 khan Pastor Quarters-ah chesualin a thi a; an khua Khumtungah a ruang lak niin, January 4, 2023 khan Synod Moderator Rev. Dr. C. Chawng-hmingliana'n Khumtung Kohhran Biak Inah a vui. Rev. C. Vanlalringa hi kum 82 mi niin, Durtlanga awm a ni a, July 13, 2023 khan a thi a ni.

Minister chhuak tur

Pastor/minister thawk mek zingah 2024 kum tir aṅga pension-a chhuak tur mi pasari an awm a, Pathianni chawhma inkhawmah pension certificate hlan an ni ang. Pension turte chu:

1. Rev. Malsawmdawnga, *Durtlang*
2. Rev. ZD Lalhmachhuana, *Ramhlun*
3. Rev. Dr. C. Chawng-hmingliana, *Moderator*
4. Rev. Lalremruata Ralte, *Venghlui*
5. Rev. Ramngaihawma Khiangete, *PBS*
6. Rev. Lalsangbera, *Director, FG&CC*
7. Rev. K. Lalthanliana, *Mission Vengthlang*

Rorel thenkhat

BIAL THAR HAWN

Tun ṭum Synod-ah hian pastor bial thar panga hawn remtiḥ a ni a; chu'ngte chu - Buhchangphai Bial, Kolasib Ṭumpui Bial, Dárlák Bial, Bawrai Bial leh Saipum Bialte a ni.

GENERAL AGENDA

(*Ningani chawhma thlenga rorel chin*)

1. 'Dan lova sumdawng tihrem dan kawng zawn' chungchang Aizawl Bethel Presbytery leh Aizawl Hmar Presbytery aṅga lut chu pawm a ni a, Synod Executive Committee bawhzui tura tiḥ a ni.
2. 'Probationary pastor lak dan en that' rawtna leh 'Probationary pastor interview hun chung ni hniḥ ni tura rawtna' te 'SEC-in lo bawhzui se la, Synod leha ngaihtuah turin rawn pharh rawh se,' tiḥ a ni.

Pawm ták lohte

1. KṬP General Conference leh Kohhran Hmeichhe Inkhawmpui Lian hun sawn rawtna.
2. Sunday school kai kim chhiar dan ennawn rawtna.
3. Ram pum huap Hla Kùtpui neiḥ rawtna.
4. Bengngawng, ṭawngṭhei lote puala inkhawmna buatsaih rawtna.
5. Pastor nemngheh tharte ram chhunga dah rawtna.
6. Pastor bial vawn hun hman zo, kum khat chauḥ service la neite bial danga sawn loh rawtna.
7. 24 hours online counselling neiḥ rawtna.
8. Pathian biak inkhawma sorkar thu puanzar ṭhin tiḥtawp rawtna.
9. Uniform Civil Code Mizorama hman ve loh rawtna.

Pro. Pastor tang lai, Pastor-a nemngheh turte

<u>SN.</u>	<u>Hming</u>	<u>Awmna</u>	<u>Awmna tur</u>
1.	Lalthangliana Tochhawng	Darlawn Venghlun	Pune (Pastoral)
2.	Joseph Vanlalfakawma Renthlei	Dawrpui Vengthar	Dongkamukam, KAPC
3.	H. Vanlalthruaia	Bungkawn	Darlak (bial thar)
4.	S.T. Lala	Kulikawn	Kabuganj (Meitei)
5.	Lalhmunsanga	Hunthar	Koilamati, KAPC
6.	Lalchhuanvawra Hmar	Zemabawk	Hamren, KAPC
7.	Ramnghinglova Ralte	Phuaibuang	Damdep
8.	Lalthansanga Renthlei	Luangmual, Aizawl	Zawlnuam
9.	C. Zaihnuma	Pukzing	Manikbond
10.	Amos Malsawmzuala	Sakawrdai	Champahour, Tripura
11.	P.C. Lalthansanga	Vairengte Chhimveng	Tipa (Tuipang)
12.	Z. Lalduhzuala	Ramhlun	Ganganagar, Tripura
<u>Synod Mission Board hnuaia thawkte</u>			
13.	Deepak Gautam	Siliguri	Jaigaon, Siliguri
14.	Andrew Lalhrualtuanga	Bungtlang South	Patna South
15.	R. Lalhlipua	Bethlehem Venglai	Katari, Nepal
<u>Field Worker</u>			
16.	Mahir Kumar Tarafdar	St. Nicholas, Kolkata	Kulpi, Kolkata
17.	Devasi Kisku	Jugia	Dumka, Jharkhand
<u>Tangphai Provisional Synod</u>			
18.	Minthianboi	D. Phailian	Phaipheng (TPS)

Probationary Pastor atana lak tharte

<u>SN.</u>	<u>Hming, Pa hming</u>	<u>Khua/Veng</u>	<u>Awmna tur</u>
1.	Ramthangliana Fanai	Bethlehem Venglai	Teikhang
2.	F. Lalremruata	Bethlehem Vengthlang	Lungsen
3.	Fredy Lalnunenga	Durtlang	Vathuampui
4.	R. Lalrinfela	Kolasib Venglai	Dawrpui Vengthar
5.	Lalrinsanga	Darlawn	Ramhlun
6.	F. Lalnunpuia	Champhai Venglai	Bethlehem Venglai
7.	David Lalnunpuia	Lamchhip	Ramhlun North
8.	Vanlalthana	Hualtu	Channmari West
9.	Lalsiamthara Tlau	Zemabawk North	Damdep
10.	C. Lalbiakhluna	Leitan South	Kolasib Vengthar
11.	John Lalhrualtuanga	Ramhlun	Nisapui
12.	Lalrinpuia Pachuau	Kolasib Vengthar	Pukzing
<u>Synod Mission Board hnuaia thawk turte</u>			
13.	Michael H. Lalremsanga	Bawngkawn East	Kulikawn
14.	V. Lalnunkima	Chhiahtlang	Zemabawk
15.	James C. Lalhmachhuana	Tlangnuam South	Hunthar
<u>Field Worker Pastor tur</u>			
16.	Jibaratna Majhi	Gilakuta	Rayagada Bial
17.	Chandra Kumar Bholon	Chobhar	Katari
18.	Hangchim Ngaimong	Lakla	Changlang

Mizoram Synod dinhmun

#	Inchhiarna	2022-23	2021-22	Punna Kiamna
1.	Presbytery zat	47	47	0
2.	Pastor bial zat	298	297	1
3.	Kohhran zat	1,140	1,130	10
4.	Branch Church zat	76	77	-1
5.	Preaching station	710	655	55
6.	Minister bial vawng zat	298	297	1
7.	Minister bial vawng lo	105	104	1
8.	Masihi Sangati Pastor	9	9	0
9.	Minister chhiartu dang nei lo	44	39	5
10.	Minister pension zat	132	122	10
11.	Minister zawng zawng	588	571	17
12.	Minister zir leh mek	22	21	1
13.	Probationary Pastor	49	45	4
14.	Kohhran upa zat	5,523	5,427	96
15.	Pêm upa zat	293	298	-5
16.	Kohhran upa zawng zawng	5,816	5,725	91
17.	Tual upa zat	2,352	2,150	202
18.	Dan zawhkim zat	4,56,197	4,46,077	10,120
19.	Thunun mek zat	12,094	12,181	-87
20.	Baptisma chang lo	9,357	8,560	797
21.	Kohhran member	6,28,719	6,18,854	9,865
	Mipa	3,04,304	3,00,279	4,025
	Hmeichhia	3,24,415	3,18,585	5,840
22.	Kohhran chungkua	1,39,974	1,37,161	2,812
	i) Awm hlangua	1,28,169	1,25,177	2,992
	ii) In awm pawlhna	11,805	11,984	-179
23.	Pawl dang atanga lo pakai	4,875	4,522	353
24.	Pawl danga pakai	1,404	1,352	52
25.	Kohhran chhuahsan	134	213	-79
26.	Ringlo hming pe thar	3,264	4,956	-1,332
27.	Nau piang zat	8,399	8,367	32
	Mipa	4,345	4,273	72
	Hmeichhia	4,054	4,094	-40
28.	Mitthi zat	4,343	4,422	-79
	Mipa	2,774	2,840	-66
	Hmeichhia	1,569	1,582	-13
29.	Sunday School zat	1,582	1,526	56
30.	Sunday School zirlai zat	4,44,059	4,14,925	29,134
31.	Sunday School zirtirtu	56,815	55,227	1,588

Kohhran Library-a mi tur leh-khabu lei chungchang

Synod Inkhawm-pui 1982 General 42 thu anga kum tin Kohhran library-a mi tur SLPB chhuah lehkhabu thar lei tura kan inhriattir leh kan innge thin angin kumin 2023-a lehkhabu thar palite chu Synod Bookroom Headquarters Show-room-ah lei theih a ni.

Kumin hian kum dang angin Synod Bookroom hi Biak In hulhliapah an rawn insuan lut lo a, Headquarters Show-room hi rin tlang ngah a ni.

Synod Bookroom hi inkhawmpui chhung bik chu zan lamah pawh palaite dawr theih turin an inhawng dawn a; Inrinni zan thleng dawr theih an ni ang.

Rev. Lalchama



Rev. Lalcháma hi Mizoram Synod hnuai pastor/minister la dam mek zinga senior ber pahnih zinga pakhat a ni a, Durtlang Leitanah a tu leh fate nen an cheng mek. Kum 93 mi a ni a, kum lamah pawh upa berte zinga mi a ni. Pastor atan kum 1956-ah nemngheh a ni a, a rual hian Rev. Lalngthinglova pawh nemngheh niin, an pahnihin pastor/minister dam lai zinga senior ber an ni. (*Chhuak hmasaah*

khan Rev. Lalngthinglova nemngheh kum hi 1954 tih a ni a, thu dawh sual vang niin, 1954 hi chu pro.pastor an nih kum a ni)

Rev. Lalchama hian hetiang hian Synod wawi 100-na palaite a chah:

“Synod a lo thleng leh ta leh Pastor-a min nemnghehna hmun ngei Mission Veng Kohhrana nghah a ni hi ka lawm hle. Thuang taka Synod an hman ka duh a, rorelna pawh thuang taka an tih ka duhsak a. Pathian malsawmnaa tha taka palaite’n Pathian duh zawng leh kan ram tan leh kohhran tan ro an rêl a, kan kohhran rawngbawlna atan malsawmna an rawn thlen zel theihna turin Pathianin malsawm zel rawh se.

“Kum 1984-a Synod wawi 61-na, Republic Venga neihah Moderator-ahte hial ka tang ve a. Vawiin thlenga ka nunna Pathianin min zuah avangin ka lawm em em a. Palai zawng zawngte chibai ka buik che u a, tha taka Chhandamtu leh a kohhran tan rawng in bawl theih nan duhsakna ka hlan a che u.”

Mission Veng leh Synod Inkhawmpui

Synod wawi 100-na hi Mission Veng Biak Ina Synod Inkhawmpui nghah a nih wawi 35-na a ni a, hei bakah hian Special Synod wawi hnih nghah a ni tawh bawh.


Synod leh Special Synod wawi 37 a thlen tawh zinga a hma lam wawi 35 chu Mission Veng Kohhranin a thleng a, a hnuhnung pahnih - 2019 leh 2023 erawh chu Mission Veng Pastor Bialin a thleng thung.

Mission Veng Kohhran - kan mi hmasate’n Aijal Kohhran an tih mai thin atang hian kohhran 11 an indang

tawh a, chungte chu hengte hi an ni. (*Kohhran minute-a a lan dan*)

No.	Kohhran	Indan hun
1.	Venghlui	1915
2.	Dawrpui	1918
3.	Tlangnuam	1.10.1926
4.	Kulikawn	27.1.1952
5.	Venghnuai	11.1.1953
6.	Thakthing Veng	10.11.1963
7.	Khatla	20.10.1968
8.	Mission Vengthlang	10.11.1968
9.	Republic Veng	24.11.1968
10.	Tuikhuahtlang	1.11.1997
11.	Model Veng	6.11.1999

Synod palaite tan ruaipui



Tuna Synod inkhawmpui kan hman mek hi a wawi 100-na a ni a, kumin 2023 hi Mission Veng Kohhranin kum 125 a tlin kum a ni bawk. Mission Veng Kohhran chuan Synod wawi 100-na a thlen leh an Kohhran kum 125-na pualin wawiin December 8, Zirtawpni hian Synod palai zawng zawng tan ruai a buatsaih dawn. Ruai thehna hmun tur chu P.C. Girls School tual a ni a, a chung a thlalaka rawng sen (red)-a rin bial hi a

ni. Hmun dangah peng loa ruai theh vek turin palai zawng zawng sawm kan ni e.

Rev. D.E. Jones, Zosaphluia'n tuna Banglapui leh Zosaphluia Building bawr vela sikul leh inkhawmna in tur a saka inkhawm tan ni, February 15, 1898 kha Mission Veng Kohhran din tan ni-ah pawm a ni a, kum 1898 a tanga chhiarin kumin hi a kum 125-na a ni. Kum tir lamah khan Quasquicentennial lawm a ni tawh nghe nghe.

Inkhawm hun ruat

DECEMBER 8 : ZIRTAWPNI ZAN

6:30 PM : Pathian biak inkhawm
Thuhritu : Tripura Synod Palai
Zaipawl : 1. Dawrpui Vengthar Bial
 2. Khawhai North Bial
 3. Synod Mission Choir

Inkhawm ban : Thua inpawlhona
A hmun : Sunday School Hall
Hruaitu : Rev. Lalthangpuia Fanai, Chanmari West
Thupui : Kohhran inpumkhatna leh thawhkhona
Sawi hawngtu : Rev. Dr. Lalhmangaiha, Electric Veng

Inkhawm ban : Hlaa inpawlhona

A hmun : Kohhran Hall
Hruaitu : Upa C.T. Mawia, Kolasib Diakkawn

DECEMBER 9 : INRINNI ZAN

6:30 PM : Pathian biak inkhawm
Thlarau lam thupui - Kraws pua Isua zui
Thuhritu : Rev. John Raldosanga, Bethlehem Venglai
Zaipawl : 1. Sihphir Bial
 2. Ramhlun Bial
 3. Hlimen Bial

Inkhawm ban : Hlaa inpawlhona

A hmun : Kohhran Hall
Hruaitu : Upa Zothanga, Rullam
Sunday School Hall hi Biak In hnuai hnuai leh a ni

Chanchin Làwrkhawm

MISSION VENG BIAL PASTOR - MODERATOR

Tun hma chuan Synod Moderator-te'n bial an vawng tel thin a, hun pum (full time)-in an thawk ngai lo. Kum 1988 Synod a'angin Synod Moderator-te chu hun puma thawk tura tih an ni.

Mission Veng Bial hian Pastor 20 a nei tawh a; Synod Moderator hna hun puma thawh a nih hnuah Mission Veng Bial vawngtu Pastor a'anga Synod Moderator ni zui ta mi paruk an awm tawh a, chu'ngte chu a hnuah mite hi an ni.

No.	Moderator	Kum
1.	Rev. K. Lungmuana	1999
2.	Rev. Chanchinmawia	2005
3.	Rev. H. Lalrinmawia	2015
4.	Rev. F. Lalrinnunga	2017
5.	Rev. R. Lalhmingthanga	2018
6.	Rev. Dr. C. Lahlira	2020

ZUNRAM THIARNA

Biak In chhâwng tin hnung lamah leh Biak In thlanga Gospel Centenary Building chhâwng tinah zunram thiarna a awm a, mamawh tan mahni remchanna hmuna mi pan mai tur a ni e.

MIKHUAL THLENNNA

Tun tum Synod Inkhawmpuia hian khualkhua a'anga rawn kal bial zaipawlte chu Thakthing Veng Kohhranah leh Tuikhuahtlang Kohhranah thlentir an ni a. Thakthing Veng Kohhranah Phullen Vengthar Bial, Siaha Bial leh Khawhai North Bialte an thleng a, Tuikhuahtlang Kohhranah Kawnpui Chhimveng Bial, Kolasib Vengthar Bial leh Vaphai Bialte thlentir an ni.

DAMDAMI LAM



Inkhawmpuia hian Damdawi lam buaipuitu mi thiam tak tak an awm a, Biak In hnung lama Committee Room-2 ah doctor leh nurse rual an awm reng thin. Taksa lama harsatna nei apiang tan pan theih an ni. Hetiang hi pantu awm dan a ni: Thawhlehniah mi 11, Nilainiah mi 93 leh nimin Ningani chawhnu dar 2:00 thleng khan mi 66 an ni.



Zuk leh hmuam

Biak In hung chhung reng rengah vaihlo zuk leh hmuam tih a remchang lo. Biak In floor mai bakah, a chhâwng tinah, a hnuai bera parking (tuna thingpui inna hmun) thlengin zuk leh hmuam ti lo turin kan inngen e. A ti duhte chu Biak In huam chin pawn lamah ti tura ngen leh beisei kan ni.

Inkhawmpui hlimthlā



ROREL INKHAWM - 06.12.2023



KOLASIB VENGTHAR BIAL ZAIPAWL



KAWNPUI CHHIMVENG BIAL ZAIPAWL



TLANGAU HNATLANG



LIRTHEI & VENHIMNA



**MODERATOR-IN FRATERNAL DELEGATE-TE
CHIBAI A BŪK**



THINGPUI LUMTUTE

CHHUAHTU: TLANGAU, SYNOD INKHAUMPUI THEN COMMITTEE